



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1581 usque ad annum 1589

Fleury, Claude

August. Vind. [u.a.], 1772

VD18 90118650

§. 49. Christiani Adrimochii mors.

[urn:nbn:de:hbz:466:1-67246](https://nbn-resolving.org/urn:nbn:de:hbz:466:1-67246)

Sæcul. XVI. VI. Discursus duos de Decimis, ac de
A. C. 1585. Ceris, quæ *Agnus Dei* vocantur.

§. XLIV.

Christiani Adrichomii mors.

*Val. Andr.
Bibl. Belg.* Alter erat Christianus Adrichomius
 Delphii in Hollandia anno Christi
 millesimo quingentesimo trigesimo ter-
 tio natus, atque anno ætatis suæ quin-
 quagesimo secundo die vigesima Junii
 Colonizæ mortuus. Hic vix vigesimum
 septimum ætatis suæ annum compleve-
 rat, dum suo Patre orbatus Sacerdotio
 initiabatur, ac Delphii conscientias
 Monialium ad sanctam Barbaram mo-
 derari jussus a Protestantibus ex præfa-
 ta urbe expellebatur, unde partim
 Mechliniæ, partim Trajecti ad Mæ-
 num, ac denique Colonizæ reliquos vi-
 tæ suæ dies transigere coactus est, ubi
 etiam Jesu Christi vitam ex quatuor
 Evangelistis compilatam, nec non ser-
 monem de beatitudine Christiana con-
 scripsit: edidit etiam ingens volumen
 de terra sancta unacum Tabulis Geo-
 graphicis, & descriptione urbis Jero-
 solymitanæ præter chronicon veteris, &
 novi Testamenti, quæ tamen opera
 non nisi post ejus obitum anno Domini
 millesimo quingentesimo nonagesimo
 Coloniensibus literis excusa prodire.
 Ceterum hic Scriptor nimium fabulis,
 quas

quas ex Berosi, Manethonis, aliorum-
que minus probatæ fidei scriptorum ope-
ribus hauserat, tribuisse infimulatur.
Sepultus jacet Coloniae apud Canoni-
cos Nazarethanos.

Sæcul. XVI.
A.C. 1585.

§. L.

Alphonsi Salmeronis fata.

Tertius ex Scriptoribus ecclesiasticis
hoc anno defunctis erat Alphonsus
Salmeron Jesuita, patria Toletanus,
qui ex decem primis sancti Ignatii sociis
unicus adhuc vita superstes Neapoli hoc
anno die decima tertia Februarii fati-
cessit. Hic Compluti studiorum curri-
culum emensus linguarum peritia cele-
bris evasit, ac Parisios contendit, Phi-
losophiæ, & Theologiæ operam daturus,
ubi etiam cum sancto Ignatio, qui
hanc societatem suam erigere medita-
batur, conferens, sese eidem adjunxit,
eiusque magisterio addixit: postea ve-
ro pro conservanda Religione in variis
Europæ Regionibus, præcipue in Gal-
liis, Belgio, Hibernia, Germania,
atque in Italia strenuam impendebat
operam, cunctisque in urbibus cum in-
genti Auditorum applausu Verbum Dei
annuntiabat. Interfuit quoque Syno-
do Tridentinæ trina vice sub totidem
Pontificibus Paulo III., Julio III., &
Pio IV. congregatæ, ubi etiam de
sancto

Alogamb. de
Script. Sac.
Sanch. hist.
Soc. p. 5.
l. 5. p. 236.